

آنادولو مجموعه سی

صانی : ۶

محمد طالد	ساختات سیرانی
مکرمین خلیل	آنادولونک فتحی
محمد شرف	دولت و مرکزی
صدوری ادهم	صنی تکائف نقطه لری
حامد صدی	آنادولو معدن لری
حبیب فاضل	تولونک اؤداسنده ، قارده ش
عرفانه نالی	آنادولو جمهوریتک معارف مفکورہ سی
ضیاء الدین فخری	جون دووہی
شرف لاطم	سویله دن
حسن جمیل	رابند رانات تاغورہ
فخر الدین صدی	قارا کلقلر ایچنده
اسماعیل نامی	مانیلر
آیک ایزلی :	دوملو پیکار مراسمی ، فکر تک تولوی

ناشری : آنادولو قزمانیت نشریات شرکتی

یگنی طبعی

ایزغالی مجادہ ریتندہ ریتندہ افندی خاتون

چاتیدن عبارت کویلرده کی اقتصادی حیاتک ناصل اولاسیله جکنی تصور مکندر . بورالرده کی استحصال طرز لری عصری ملتزک کنه نظراً پک چوق دهاا کریده در . بوداغنیق قوتلری طویلایمق ایچین یاییلاجق یکانه حرکت کویلری دهاا قلابالق برحاله قومیق در . اولنلری استحصال ساحه لرینه یرلشدیرمک لازمدر . تورکیانک ایلمک تملی اولان کویک قوتلی اولماسی جمعیتک ایلمک حجره سی اولاجنی ایچین چوق مهمدر . بناءً علیه بول اوزرلرینه ، استحصال ساحه لرینه کنیش نفوسلی کویلر تأسیس ایتمک بوکونکی اک خیرلی ایشلردن بری اولاجقدر . عینی زمانده اسکان ایشی ایله عینی یولده یورویهن اعمار ایشیده بونی تأمین ایده جکدر .

نفوسک تکائی ، طوبراغه فضله قوتک بردن صرفنی افاده ایتدیکی کبی بوقالابالقدن دوغاجق روحی نتیجه ده بوکونک علمی اوکنده بر حقیقتدر . ذکا و عقل ، ایجاد ، اختراع دیدیکمز شیلر بوتکائفک مختلف بر صورتده اورتایه آتدینی نتیجه لیدر . نفوس آرتدجه عینی ساحه ده کی انسانلر ، بررلریله جداله کیریشیرلر ، یا ، یرلری دهاا قویلره براقوب مهاجرت ایدرلر . یاخودده ایشلری آرالرنده تقسیم ایدوب یاشامیه باشلارلر . عصری جمعیتلرده ایلمک کوزه چاریان ایش بولومک درینله شمه سی یعنی ذکاکن کندی دیکرلرینک تحکمدن قورتارمق ایچین سیورلله سیدر .

کشیف نفوسک استحصال شرطلری ده دهاا باشقه درلو اولور . چونکه اولنلر ، استحصالانده دهاا فضله نتیجه لر آلد ایدرلر . بناءً علیه تورکیا ایچین اک اول حل ایدیله جک مسئله بوتکائف نقطه لری مسئله سیدر . بونک حلی دیکر مسئله لری حلی ایچین بر آناختار اولاجقدر .

صیری ادهم

	آنادرلو معرینلری	
---	------------------	---

أراضیمزک تشکلاتی حقنده کی ژده تولوژیک معلوماتمز ملکتمزک بر آلتنده مدقون طبیعی روتلری حقنده حکملر ویرمکه مساعد دکلسه ده مختلف ژده تولوژی عالمترینک فکرلرینه کوره تورکیه ده غیر مکشوف پک خوق معدن یا تاقیلری موجوددر ، هر نه قدار أراضینک بویوک بر قسمی پک یکی ضحور رسویه ایله اورتولو ایهده بر چوق یرلرده باشاصه محیطه تصادف ایدن اقسامده ، بویوک التوال سلسله لرینک مرکزیه متوجه صیرتلرنده

أراضي ابتدائيةك عرض وجود اتمی ، مختلف یرلرده عظیم مقداره صخور اندفاعیهك یاییلمش بولونمسی جدی تدقیقات نتیجهسند دهاا برچوق قیمتی معادن کشف ایدیهكی احتمالی ویرمکده در .

فقط شمدی به قادر کشف ایدیلن وحی امتیازلری آلان بر چوق معدنلر قیمت واهیتدن عاری اولدینی کبی برچوق زنکین و قیمتلی معدنلردن ده لایقيله استفاده ایدیهك- مدیکنی نظر دفته آلدیغمز زمان هر شیدن اول موجود و مکشوف معدنلریمز حقنده دوغری بر فکر ایدنك احتیاجی قارشیسند بولونورز . کشفی محتمل معادن حقنده تخمینانده بولونمق مسئلهسنی صوکره به برافق لازم کلیر . [*]

تورکیه ده موجود معدنلر پك متنوعدر . معدنلردن بعضلری [زیمپاره ، لوله طاشی ، بوراسیت « پاندرمیت »] مملکتیزه خاسدر ، دیگر ممالکده یا هیچ بولونماز ویاخود پك آزابولونور ، برچوق یرلرده مبذول صورتده کوموشلی قورشون ، باقیر ، قروم یا ناقلری ، معین یرلرده کومور ، پترول طمارلری موجوددر . دهاا برچوق معدنلرک موجودیتنه رغماً اوجاقلرده صو و کومور قوتندن استفاده ایدیهكمه مسی ، سرمایه و عملة نقضانی ، مناقله وسائطك آزانی دولایسیله شرائط استحصالک عدم موجودیتی معدنچیلکک انکشافه مانع اولمقدهدر . اسکیدن پك ابتدائی اصوللرله ایشلهین بعض معدن اوجاقلری جوارنده کی اورمانلر بیتوب اودونلر توکندیکندن شمدی توقف حالدهدر . امتیازلرک عددی پك چوق اولدینی حالده ایشلهین اوجاقلر پك آذرر . حرب عمومیدن اول (۱۲ - ۱۹۱۱ ده) بوتون تورکیه معدنلرنده مجموع استحصالاتک قیمتی ۱,۳۰۰,۰۰۰ آلتون لیرایه بالغ اولویوردی . یکی ایستانستیقلر نشر ایدلدیکی ایچون حال حاضر وضعیتی بیله مبورز . مع مافیه مناقله وسائطی اصلاح اولونوب حیات اقتصادی و مدنیه مز انکشاف ایتدکجه مملکتیزده معدن استحصالاتی پك زیاده ترقی قابلیته مالکدر . معدنچیلکک ساحهسند تورکیهك استقبالی بویوک امیدلرله دولودر .

[*] تورکیه معدنلرینک هیئت عمومیهسندن بحث ایدن اک شایان اعتماد تدقیقلر فلیپسونک A. Plibipson کوچوک آسیانک ژهئولوژیسی ، اوسواله P. Oswald ک شرقی آنادولونک ژهئولوژیسی نام اثرلرله فلیکل Flicgel و وهنکار H. Vencker ک ملغا حربیه نظارتی حسابنه یازدقیری راپورلدر . (میرآلای فائق پك طرفندن ترجمه اولونان بوراپورلرک برقمسی احمد جمدی پك طرفندن تورکیه اقتصاد مجموعهسنگ ایکنجی جلدنده پارچه پارچه نشر اولونمشدر .) تورکیه معدنلری حقنده منفرد صورتده یازلمش عددی برقاچ یوزه بالغ اولان تدقیقلرک اسملری یوقارنده کی اثرلرک بیلووغرافینده ذکر ایدلشدر .

شوراده دائماً تکرار ایدیلن یا کلش بر فکری تحلیل مجبوریتنی حس ایدییورم ، دینلیورکه تورکیه برزراعت مملکتیمی ، یوقسه بر معدن و صنایع مملکتیمی اوله جق ؟ هانکیسنه داها زیاده اهمیت ویرمیدر ؟ سؤالک بوصورتله وضعی پک چوق کیمسهلری شاشیرتمقده در . شبهه سز بوکونکی تورکیه ده اقتصادی فعالیتک مرکز ثقلتی زراعت و چوبانلقده در . بعض یرلرده کوچوک او صنایعی موضعی بر ترقیه نائل اولمشسده فابریقه صنایعی هنوز باشلانغچ حالده در . فقط بووضعیت تورکیه نك معدنچیلکی اھمال ایتمی ایچون برسبب تشکیل ایتمز . فرانسه حقیقته برزراعت مملکتی اولدینی حالده معدنچیلک ساحه سنده کی مساعیسی شایان حیرت درجه ده در . آمریکا و روسیه ده عینی وضعیتی کوروروز . بونلر آیری آیری برر شعبه اولوب بری دیگرینک تدبیرینی دکل ، بلکه ترقیسی ایجاب ایتدیرمکده در . بوسبيله تورکیه هم برزراعت مملکتی ، هم ده معدن و صنایع مملکتی اولق احتیا . جنده در . مملکتیمزک شرائط طبعیه سی هر درلو فعالیت اقتصادی نك انکشافه مساعددر .

شیمدی بز تورکیه نك یر آلتی ثروتلرینی مختلف جنسلره کوزده برر برر مطالعه ایده رک مملکتیمزک ثروت طبعیه سی و بوتون دنیانک معدن استحصالاتی آردسنده ناصل بر موقع آله بيله چکنی تخمینه چالیشه لم :

۱. - قورشوم ، مینقور (تونیا) آنادولوده پک زیاده منتشر اولان کبریتید معادن میاننده بالخاصه کوموشی قورشوم (غالهن) عمومیتله چیقو ايله بعضاده باقیرله مخلوط اوله رق هر طرفده مو . جووددر . بومعدنه بعضاً صخوزاندقاعته دروننده بعضاده شیدست و قالکهر طبقاتی آردسنده تصادف ایدلمکده در .

أولونك اوراسنده

بر اودا ، یرده برموم ، پرده لر ایندیرلش ، یره دوشن برکوملک یاواش یاواش دیریلش . چیرچیللق دیوارلرده چوبلرک کولکسی ، آرتق نه چتیردی وار ، نه ده بر آیاق سسی . باتیور یا تاغنده دیم دیک ، اوب اوزون ، اولو اوستی بوننه قادار بر چارشافله اورتولو . بزک اوستنه چقمش آیاقلرینک ایزی ، مومک آلهوی کبی صاری ، دونوق بکزی . صوک نفسله کوکنی بوش ، آلی اوزاغش یانه ، کوزلری رنگلی بر جام ، صانکه میخی طاوانه . صارقیق دوداقلرینک اوجنده بر چیزکی وار کوچوک بر چیزکی ، کوچوک ، تیزه یی بر آن قادار ؛ صارقیق دوداقلرنده آسیلی تیرمک بر آن بللی که بردنبره کیتمش چیرپنمادن . بو نیم کندی اولوم ، بو نیم کندی اولوم ، بکا کلدیکی زمان بویه کله جک اولوم ...

حبیب فاضل

بومعدنك كلیله اخراج ایدلیدی، ادرمید کورفرینك ۶۰ کیلو متره شمال شرقیسنده بالیا معدنی در. فی اصوله توفیقاً ایشله دیلن و منتظم اذابه و تصفیة تأسیساتنه مالک اولان بالیا اوجاقلری پك زنکین سیملی قورشون دامارلرینی احتوا ایتمکده در، عینی زمانده چینقو، بلاند قلامین و اهمیتیز مقدارده مانغازده استحصال ایدلمکده در.

۱۸۴۰ سنه سندن اعتباراً ایشله دلمک باشلایان بومعدنك ۱۸۹۳ تاریخده بالیه - قره آیدین شرکتی طرفندن امتیازی آلتهرق قره آیدین و قوجه کوموش موقعلرنده کی اوجاقلر اصلاح ایدلش و بو حوالینك ۲۰ کیلو متره شمالنده بولونان مانخیلق کومور معدنی ده بو شرکتیه احاله اولمش و مؤخرأ ۳۱۴ تاریخی فرمان موجبجه قره آیدین اوجاقلرندن ۳۵ کیلو متره مسافده یانمور قریه سنده ظهور ایدن سیملی قورشونه مخلوط چینقو و دمیرله مخلوط مانغاز معدنك امتیازی ده بو شرکتیه اعطا قیلنشد.

شرکت ۱۹۰۱ سنه سنده مانخیلقده کی کومور معدنده بر الکتریک مرکزی تأسیس ایدوب وقوة الکتریکه بالیه قادار نقل ایدلش اولوب بدایة جوهر نقلیاتی آراهه و دوه ایلله اجرا اولمقده ایکن بالآخره مانخیلقدن باشلایهرق اوتوز الکیلو متره بالیه و بوراده ۲۲ کیلو متره مسافده بولان عثمانلر موقعنه و اورادن دخی ادرمید اووه سی مدخلنده ۳۹ بوچوق کیلو متره مسافده بولونان پالاموطلق موقعنه قادار ده قوییل انشا ایدلشد. پالاموطلقدن اعتباراً یکرمی درت ساعت مسافده بولونان آوه های اسکله سینه قادار نقلیات، آراهلر واسطه سیله اجرا ایدلمکده در.

معدن اوجاقلری جوارنده معدن عمله لرله مسکون بر شهر انکشاف ایتمکده در. ۱۹۱۳ سنه سنده معدن اخراجاتی ۱۴۰,۰۰۰ طونیلاتو خام جوهر ۵,۲۶۰ طونیلاتو بلاند (۴۰٪ چینقو) ۱۳۹۷۹ طونیلاتو صاف قورشونه بالغ اولمشد. بالیه - قره آیدین شرکتنك ۱۹۱۳ ده سرمایہ سی ۳۵۲ بیك عثمانلی لیراسی ایدی، شرکت آلتی بیك حصه سندیه مالکدر. ۱۹۱۲ ده حصه باشه ۳۰٪، ۱۹۱۳ ده ۳۵٪ تمتع تأدیه ایتشد. غربی آنادولوده بالیا معدنلرندن باشقه متعدد کیریتو معادن دامارلرینه تصادف ایدلمکده در. غرب مؤقلازینك آثارنده ذکر ایدیلن بومعدنلردن بعضلرینك موقعلرینی اشارت ایتمکله اکثفا ایده جکز:

ادرمیدك غربنده خانیلر موقعنده غالهن، بلاند، پیریت، قالدوپیریت، مرمر و سربانتین دامارلری موجود اولدینی مشهور ژئولوغ فرهخ Frech طرفندن بیان ایدلمکده در.

صومەنك ۳۰ كيلومتره شمال غربي سنده آقازطاعي جوارنده كي ، مرمره كولي و نيف قصبه سي جوارنده وقتيله ايشله دلمش غالەن معدنلری موجوددر .

چشمه ياريم آداسنك جنوب ساحلنده كومولدور جوارنده غالەن قالامين و بلاند معدني بر مدت ايشله دلمشدر . عيني ياريم آدانك شالنده قره بورون جوارنده چينقو معدني موجوددر . بو معدنه بالخاصه مرمره حوضه سنده ازنيق ايله يكي شهر آراسنده كيرازلي يايونده تصادف ايدلمكدهدر .

ايزميت سانجاعي داخلنده قره صر سيملي قورشون و چينقو معدني ايشله ديلرك ۱۹۱۰ سنه سنده ۹۱۶۳۴ طون سيملي قورشون و ۱۴۹۵۶۶ طون قالامين اخراج ايدلمشدر . آطه يازاري جوارنده چام طاعي موقعنده كي سيملي قورشون و چينقو قورشونله مخلوط باقير معدنلرينك ده پك اسكي زمانلرده ايشله مش اولديني آكلاشلمقدهدر .

شرق دوغري كيدليكي زمان اولا ، قيزيل ايرمق جوارنده ، ۱۹۱۱ سنه سنده ۳۷۱ طون سيملي قورشون اخراج ايدن دنك معدنه تصادف ايديلير . مرزيفونك غربنده ۱۵۰ سنه اول آچيلان كوموش حاجي كوي معدني اهميتلي مقدارده سيملي قورشون دامارلرينه مالكدور . سيواسك غربنده آو طاغ معدني ده بر مدتدبري متروك بر حالدهدر .

كوموش حاجي كوي معدنك جوهر اخراج اولنان مفارهلري عيني نامده كي قصبه نك بر بوجوق ساعت غربنده ۴۰۰ متره ارتفاعنده كي جبالك ذروه سنده آچيلمش بر جوق باجه و قويولردن عبارتدر . بوقويولر ايكيوزدن بش يوز متره قادار بر خط منكسر تشكيل ايدن اعماقي حاوي بولوب ير آلتنده استحضار ايديلن جوهر كوچوك ياشده كي چوجوقلر واسطه سيله اخراج واسترلرله اذابه خانه يه سوق اولنور . اذابه خانه درت فروني و قالخانه ده بر سيملي قورشون تصفيه سه وديكري قره قورشون استحصاله مخصوص ايكي اوجاعي مشتملدر . فرونلره وضع اولونان جوهر دن يوزده ۱۱,۵ - ۲۸,۵ نسبتنده سيملي قورشون حاصل اولوب بوسيملي قورشون دن ده يوزده ۰,۲۱ - ۰,۳۱ نسبتنده خالص كوموش ويوزده ۶۲,۵ - ۸۵ نسبتنده مرده سنك استحصال اولنور ، يته بو حواليدم قره حصار شرقي جوارنده اون بش قادار قورشون معدني بولمقدهدر .

بورادن اعتباراً شرقي قره دكنر معدنلرينه كچيلير ، كره سون وارديو جوارنده كي پيريت ، بلاند و سيملي قورشون معدنلري اوج زمهره تشكيل ايتمكدهدر . ۱۰ - اردو

جوارنده یاقه جق و سرایحق و جنوبنده سیس اورتا موقعلرنده آنده ذیت صخوره مجاور اوله رق بولونان سیملی قورشون ، پیریت و بلانده دامارلری . ۲ — بومنطقه نك شرقده وولقان توفلری دروننده پیریت ، سیملی قورشون ، چیقو و برازده آلتون استحصال ایدیلن دامارلر . ۳ — اراضی تابشیریه دروننده قسماً صخور اندفاعیه ایله محاط سیملی قورشون (زیغانه و کوموش خانه معدنلری) بولونور .

دارالفنون موضعی جوغرافیا معلمی

مابعدی وار

هاسر معری



آنادولر جمهوریت نك معارف مفکوره سی



یکی تورک ایلی اداره سنک یاشادینی محیط آنادولو ، یعنی اوز وطن و ملی وجدانک معکسی اولان جمهوریتی ده یاشاناجق یکانه ملت آنادولو ملتی و او ملتنک چوجق لریدر . دارالفنون مدرسلرندن اسماعیل حق بک ده موقراسی و تربیه آدلی بر مصاحبه سنده « ده موقراسی عرفانسز اولماز » دیمشیدی . بو سوز چوق دوغری بر سوزدر . زیرا خلقجیلنی کندیسنه عمده اتحاد ایدن حکومتلرده خلق و حکومت بر برندن آیری دکلدر . چونکه جمهوری حکومتلرده وکیللر هیئتنی انتخاب ایدن سلطان دکل ، ملتنک مبعوثلری ذر . مبعوثلر ایسه ملتنک اراده سنی تمثیل ایدن آدملردن عبارتدر . بناءً علیه حکومتک تعقیب ایتدیکی داخلی و خارجی سیاستدن ملتنک هر فردی مسئول دیمکدر . اگر خلقک هر بری بو مسئولیتی ادراک ایتز ایسه ، جمهوریت ده یالکز بر عنواندن عبارت قالیر . جلال نوری بکک بر مقاله سنده یازدینی کی ۱ تشرین ثانی ۱۳۳۸ انقلابندن صوکره ، یالکز سلطانک کیدیکی تاجی تورک ملتنک هر فردی کیمشدر . شمعی بودورده هر تورک بر سلطاندر . جلال نوری بکک حد ذاتنده بک دوغری اولان شو فکرلری یالکز شو شرطله بر قیمت قازانه بیلیر : هر تورک سلطان اولدیننی حسن ایتک و بیلیمک لازمدر . بوغایه نك حصولی ایچوند هر تورکک بوغایه نی ، بومفکورده نی آکلایه نیله جک درجه ده بیلکسی اولق ایجاب ایدر . عکس تقدیرده حکومتک شکلی فصل اولورسه اولسون حاکم اولان قوت « استبداد » در ، بونک مثالی هنوز دها قارا کلنی کوزیمزک اوکندن یکمینه اتحاد و ترقی دوره سلطنتی درکه اک تمیز ، اک مبارک املاک ایله اورته آیتلان بوقومیته رأسکارینه کچدیکی ملتنک جهالتی ، اراده سزلیکی یوزندن سلطان حمیدک استبدادینه